

文心雕龍

(一)



Blind in H.K.



Digitized by the Internet Archive
in 2018 with funding from
University of Toronto



Presented to the
LIBRARIES *of the*
UNIVERSITY OF TORONTO
by
MR. TANG WAI YIN

文心雕龍

梁

劉

勰

撰

文心雕龍

卷之四

Presented to the
LIBRARIES of the
UNIVERSITY OF TORONTO
MR. TANG W.

紀龍

評

文

卷八

成都志古堂重刊

南史本傳

劉勰字彥和東莞莒人也父尚越騎校尉勰早孤篤志
好學家貧不婚娶依沙門僧祐居遂博通經論因區別
部類錄而序之定林寺經藏勰所定也梁天監中兼東
宮通事舍人時七廟饗薦已用蔬果而二郊農社猶有
犧牲勰乃表言二郊宜與七廟同改詔付尚書議依勰
所陳遷步兵校尉兼舍人如故深被昭明太子愛接初
勰撰文心雕龍五十篇論古今文體其序畧云予齒在
逾立嘗夜夢執丹漆之禮器隨仲尼而南行寤而喜曰
大哉聖人之難見也迺小子之垂夢歟自生靈以來未

有如夫子者也敷讚聖旨莫若注經而馬鄭諸儒弘之
已精就有深解未足立家唯文章之用實經典枝條五
禮資之以成六典因之致用於是搦筆和墨乃始論文
其爲文用四十九篇而已旣成未爲時流所稱勰欲取
定於沈約無由自達乃負書候約於車前狀若貨鬻者
約取讀大重之謂深得文理常陳諸几案勰爲文長於
佛理都下寺塔及名僧碑誌必請勰製文敕與慧震沙
門於定林寺撰經證功畢遂求出家先燔鬚髮自誓敕
許之乃變服改名慧地云

宋史藝文志
有辛氏文心
雕龍注書雖
不傳亦宜引
爲緣起不得
以子庚爲期
始也

劉舍人文心雕龍一書蓋菰苑之秘寶也觀其苞羅羣
籍多所折衷於凡文章利病挾摘靡遺綴文之士苟欲
希風前秀未有可舍此而別求津逮者若其使事遣言
紛綸歲粦罕能切究明代梅子庚氏爲之疏通證明什
僅四三耳畧而弗詳則創始之難也又句字相沿旣久
別風淮雨往往有之雖子庚自謂校正之功五倍於楊
用修氏然中間脫訛故自不乏似猶未得爲完善之本
余生平雅好是書偶以暇日承子庚之綿蕞旁稽博攷
益以友朋見聞兼用眾本比對正其句字人事率率更
厯暑寒乃得就緒覆閱之下差覺詳盡矣適雲間姚子

平山來藩署因共商付梓方今

文治盛隆度越先古海內操奇觚弄柔翰者咸有騰聲
飛實之思竊以爲劉氏之緒言餘論乃斯文之體要存
焉不可一日廢也夫文之用在心誠能得劉氏之用心
因得爲文之用心於以發聖典之菁英爲

熙朝之黼黻則是書方將爲魚兔之筌蹄而又況於瑣
瑣箋釋乎哉時

乾隆三年歲次戊午秋九月北平黃叔琳書

此書按本實出先生其注及評則先生客某甲所爲
先生時爲山東布政使案牘紛繁未暇徧閱遂以付

之姚平山晚年悔之已不可及矣長山聶松巖云
此注不出先生手舊人皆知之然或以爲出盧紹弓
則未確紹弓館先生家在乾隆庚午辛未間戊午歲
方游京師未至山東也

文心雕龍目錄

卷一

原道

徵聖

宗經

正緯

辯騷

卷二

明詩

樂府

詮賦

頌讚

祝盟

卷三

銘箴

誄碑

哀弔

雜文

諧謔

卷四

史傳

諸子

論說

詔策

檄移

卷五

封禪

章表

奏啓

議對

書記

卷六

神思

體性

風骨

通變

定勢

卷七

情采

鎔裁

聲律

章句

麗辭

卷八

比興

夸飾

事類

練字

隱秀

卷九

指瑕

養氣

附會

總術

時序

卷十

物色

才略

知音

程器

序志

據時序篇此書實成於齊代。今題曰梁蓋後人所追題。猶玉臺新詠成於梁而今本題陳徐陵耳。自漢以來論文者罕能及此。彥和以此發端。所見在六朝文士之上。○文以載道。明其當然。文原於道。明其本然。識其本乃不逐其

文心雕龍卷第一

梁 劉 勰 撰

北平黃叔琳注

河間紀 昀 評

原道第一

文之爲德也大矣。與天地並生者何哉。夫玄黃色雜。方圓體分。日月疊璧。以垂麗天之象。山川煥綺。以鋪理地之形。此蓋道之文也。仰觀吐曜。俯察含章。高卑定位。故兩儀既生矣。惟人參之性靈所鍾。是謂三才。爲五行之秀。實天地之心。○一本實上有人。心。生。而。言。立。言。立。而。文。○字。心。下。有。生。字。

末首揭文體之尊所以截斷眾流。

齊梁文藻日競雕華標自然以為宗是彥和契繁為人處

此解文言不免附會

解易者未發

此義原評

何晏論語注

引孔安國之

說謂河圖即

八卦與此孕

明自然之道也。傍及萬品。動植皆文。龍鳳以藻繪呈瑞。虎豹以炳蔚凝姿。雲霞雕色。有踰畫工之妙。草木賁華。無待錦匠之奇。夫豈外飾。蓋自然耳。至於林籟結響。調如竽瑟。泉石激韻。和若球鎗。故形立則章成矣。聲發則文生矣。夫以無識之物。鬱然有彩。有心之器。其無文歟。人文之元。肇自太極。幽贊神明。易象惟先。庖犧畫其始。仲尼翼其終。而乾坤兩位。獨制文。言言之文也。天地之心哉。若迺河圖孕乎八卦。洛書韞乎九疇。玉版金鏤之實。丹文綠牒之華。誰其尸之。亦神理而已。自鳥跡代繩。文字始炳。炎皞遺事。紀在三墳。而年世渺邈。聲采靡追。

乎八卦語相
含知五十五
點之偽圖彥
和未見也洛
書配九宮北
齊盧辨注大
戴禮已有是
語則其說起
於南北朝故
彥和亦云然
禱疑作禱說
文縹繁采色
也玉篇縹飾
也
剗即剗字說
文訓為齊言
切割而使之
齊與詩義無
涉古帖制字
多書為制此

唐虞文章則煥乎始

馮本盛

元首載歌既發吟詠之志

益稷陳謨

元作謀
楊改

亦垂敷奏之風夏后氏興業峻鴻績

九序惟歌

勳德彌縟逮及商周文勝其質雅頌所被英

華日新文王患憂繇辭炳曜符采複隱精義堅深重以

公旦多材振

元作禱
朱改

其徽烈剗詩緝頌斧藻羣言至夫

子繼聖獨秀前哲鎔鈞六經必金聲而玉振雕琢情性

組織辭令木鐸起而千里應席珍流而萬世響寫天地

之輝光曉生民之耳目矣爰自風姓暨於孔氏

元一作

聖創典素王述訓莫不原道心以敷章

以敷一作裁
文從御覽改研

神理而設教取象乎河洛問數乎蓍龜觀天文以極變

制字疑為制
字之訛史記
五帝本紀依
鬼神以制義
注曰制有制
義是三字相
亂已久不必
定用本訓也
此即載道之
說

此等皆童而
習之之典能
讀文心雕龍
者不患其不
知此數條不
免於贅設

察人文以成化。然後能經緯區宇。彌綸彝憲。發輝疑作
事業。彪炳辭義。故知道沿聖以垂文。聖因文而明道。旁
通而無滯。一作涯從日用而不匱。易曰。鼓天下之動者
御覽改者字從存乎辭。辭之所以能鼓天下者。迺道之文也。

贊曰

道心惟微。神理設教。光采元聖。炳耀仁孝。龍圖獻體。龜
書呈貌。天文斯觀。民胥以儆。

元黃

易夫元黃者天地之

方圓

天戴禮記天道日月

疊壁

易坤靈圖至德之

炳蔚

易大人虎變其文炳也

也庖犧畫其始

易繫辭包犧氏之王天下也。仰則觀

河圖不應以正義為根

玉版丹文綠字散見緯書拾遺記宋書皆非根抵

此宜先注三墳而以書亡偽註之說附於後且書出毛漸宋人已言之不得引元人之說

與地之宜近取諸身遠取諸物於是始仲尼翼其終

作八卦以通神明之德以類萬物之情

易通卦驗孔子作上象下象上象下象

有天下龍馬負圖以出洛書周書洪範天乃錫禹洪

於河遂法之畫八卦

洛出書聖人則之蓋玉版聖德光洽河洛之濱得玉

治水功成洛龜呈瑞

版方尺圖丹文綠牒宋書志序握河括地綠鳥迹許

說文序黃帝之史蒼頡見鳥獸蹄迹之詳矣鳥迹氏

迹知分理之可相別異也初作書契之代繩見徵聖

註三墳書久亡元吳萊三墳辨三墳書近出偽書也

本氣墳而作歸藏黃帝本形墳而作乾坤無卦元首

爻有卦象文鄙而義陋與周官太卜所掌異焉

載歌見章陳謨稷篇益九序惟歌謨篇文彌縟王充

德彌盛者文王憂患易傳夏商之末易道中微文王

文彌縟

拘于羑里係以彖辭易道復興

原道

三

此言緝頌不言作頌引國語非是

此元聖當指伏義諸聖若指孔子於下句為復且孔子亦非僻典也

繇辭繇音宙杜預左傳注繇卜兆辭也續文 頌頌以貽王名之曰鷗 為頌為頌曰思文后 稷克配彼天稷克配彼天 舒傳舒傳猶泥之在鈞唯 者之所鑄者之所鑄顏師古曰 鑄器之千里應鑄器之千里應 模範也模範也 席上之珍席上之珍 以待聘以待聘 而舊章闕故先命元而舊章闕故先命元 綴學立制注元聖孔子也綴學立制注元聖孔子也 文云水精之子繼文云水精之子繼 衰周而為素王衰周而為素王

蒯詩緝

乃為詩

周公之

鎔鈞

禮記

席珍

儒有

象閣

敦

生時

闕里

此篇却是裝點門面推到究極仍是宗經

此一段證實微聖然無緊要

徵聖第二

夫作者曰聖。述者曰明。陶鑄性情。功在上哲。夫子文章可得而聞。則聖人之情見乎文辭矣。先王聖化布在方冊。夫子風采溢於格言。是以遠稱唐世。則煥乎為盛。近襲周代。則郁哉可從。此政化貴文之徵也。鄭伯入陳。以文一作立辭為功。宋置折俎。以多文元作方舉禮。此事蹟貴文之徵也。襄美子產。則云言以足志。文以足言。泛論君子。則云情欲信。辭欲巧。此修身貴文之徵也。然則志元作忠足而言。文情信而辭巧。迺含章之玉牒。秉文之謝改金科矣。夫鑒周日月。妙極機疑作神。文成規矩。思合符

繁簡隱顯皆
本乎經後來
文家偏有所
尚互相排擊
殆未尋其源
原評
八字精微所
謂文無定格
要歸於是

契或簡言以達旨。或博文以該情。或明理以立體。或隱義以藏用。故春秋一字以褒貶。喪服舉輕以包重。此簡言以達旨也。邠詩聯章以積句。儒行縉說以繁辭。此博文以該情也。書契斷決以象。夫文章昭晰以象離。此明理以立體也。四象精義以曲隱。五例微辭以婉晦。此隱義以藏用也。故知繁略殊形。隱顯異術。抑引隨時。變通會適。徵之周孔。則文有師矣。是以子元脫政論文必徵於聖。稚圭勸學四字元脫必宗於經。易稱辨物正言。斷辭則備。書云辭尚體要。弗惟好異。故知正言所以立辯。體要所以成辭。辭成無好異之尤。辯立有斷辭之義。雖精

通人之論作
文如此乃無
死句論文如
此乃為神解

義曲隱無傷其正言微辭婉晦不害其體要體要與微
辭偕通正言共精義並用聖人之文章亦可見也顏闔
以為仲尼飾羽而畫徒莊子作從事華辭雖欲訾聖訾字一
二字誤弗可得已然則聖文之雅麗固銜華而佩實者也
天道難聞猶或鑽仰文章可見胡寧勿思若徵聖立言
則文其庶矣

贊曰

妙極生知睿哲惟宰精理為文秀氣成采鑒懸日月辭
富山海百齡影徂千載心在

文辭為功

左傳鄭子產獻捷于晉晉人問陳之罪子
產對之仲尼曰志有之言以足志文以足

注為王莽而
言此引以贊
孔子則不必
存佞辭一句
當引李善注
曰言金玉貴
之也
詩傳非根柢

言晉為伯鄭人陳非多文舉禮司馬置宋人享趙文子
文辭不為功慎辭哉
尼使舉是禮也以為多情欲信辭欲巧禮記表玉牒
文辭注舉謂記錄之也注金
左思吳都賦玉牒石記注
玉牒石記皆典策類也注
金王佞幾神易惟幾也故能成天下之務惟
辭也春秋序春秋以喪服舉輕包重總之服其不祭則重於
一春秋序春秋以喪服舉輕包重總之服其不祭則重於
可知舉小功不稅則重於小功邠詩年幼不能莅降
者其稅可知皆語約而義該也邠詩年幼不能莅降
周公以冢宰攝政乃述后稷公儒行禮記儒行篇哀
劉之化作詩以戒謂之幽風儒行禮記儒行篇哀
行孔子曰遠數之不能終其物象夬易繫辭上古結
悉數之乃留更僕未可終也象夬易繫辭上古結
人易之以書契百官以象離易離麗也日月麗乎天
治萬民以察蓋取諸夬象離百穀草木麗乎土重明
以麗乎正乃化成天下項安世曰日月麗乎天而
成明百穀草木麗乎土而成文故離為文又為明四

彥和之時尚
不以陰陽老
少為四象此
真郢書而燕
說矣
此杜預春秋
傳序不可謂
之春秋序

象易繫辭易有四象所以示也
而顯二日志而晦三日陰陽老少
四日盡而不污五日懲惡而勸善
主漢書匡衡字稚圭成顏闔
有帝即位上疏勸經學顏闔
畫從事華辭夫何足以民
吾以仲尼為貞幹國其

本經術以為
文亦非六代
文士所知大
謝喜用經語
不過割剝字
句耳

宗經第三

三極彝訓其書言經經也者恆久之至道不刊之鴻教也。故象天地效鬼神參物序制人紀洞性靈之奧區極文章之骨髓者也。皇世三墳帝代五典重以八索申以九邱。歲厯緜曖條流紛糅。自夫子刪述而大寶咸一作啓耀。於是易張十翼書標七觀詩列四始禮正五經春秋五例義既極乎性情辭亦匠於文理故能開學養正昭明有融然而道心惟微聖謨元作謀改謨卓絕墻宇重峻而吐納自深譬萬鈞之洪鍾無錚錚之細響矣。夫易惟談天夫字從入一作人從御覽改入御覽改神致用故繫稱旨遠辭文元作高孫

此制字如從
本訓亦不可
通知必當為
制也
生字疑聖字
之訛
四語括盡兩
經然此上疑
脫數句

改言中事隱韋編三絕固哲人之驪淵也書實記言而
訓詁茫昧通乎爾雅則文意曉然故子夏歎書昭昭若
日月之明離離如星辰之行言昭灼也詩主言志詁訓
同書摘風裁興藻辭譎喻溫柔在誦故最附深衷矣禮
以一作立體一本下有據事制範章條纖曲執而後顯
採掇生疑作言莫非寶也春秋辨理四句一十六字元
一字見義五石六鵠以詳略成交雉門兩觀以先後顯
旨其婉章志晦諒以遠矣尚書則覽文如詭而尋理卽
暘春秋則觀辭立曉而訪義方隱此聖人之殊致表裏
之異體者也至根柢槃深枝葉峻茂辭約而旨豐事近

此亦論爲分
析似鍾嶸之
論詩動曰源
出某某

承學之徒輒
輕言西漢而
後無文章直
至韓退之始
起八代之衰
耳亦思八代
中固有具如
許服力能爲
如許評論者
乎原評
此自善論文

而喻遠。是以往者雖舊。餘味日新。後進追取而非晚作

曉前修文一作運一作用而未先。可謂太山徧雨。河潤千里者。

也。故論說辭序。則易統其首。一作旨。詔策章奏。則書發其

源。賦頌諷讚。則詩立其本。銘誄箴祝。則禮總其端。紀傳

銘朱云當檄。則春秋爲根。並窮高以樹表。極遠以啓疆。

所以百家騰躍。終入環內者也。若稟經以製式。酌雅以

富言。是仰山而鑄銅。煮海而爲鹽也。故文能宗經。體有

六義。一則情深而不詭。二則風清而不雜。三則事信而

不誕。四則義直而不回。五則體約而不蕪。六則文麗而

不淫。揚子比雕玉以作器。謂五經之含文也。夫文以行。

耳如其文
論之則不脫
六代俳偶之
習也此評不
允

宜先引左傳
於前

立行以文傳。四教所先。符采相濟。勵德樹聲。莫不師聖。而建言脩辭。鮮克宗經。是以楚豔漢侈。流弊不還。正未歸本。不其懿歟。

贊曰

三極彝道。訓深稽古。致化歸一。分教斯五。性靈鎔匠。文章奧府。淵哉鑠乎。羣言之祖。

三極易六爻之動三極之道也孔穎三墳五典八索

九邱孔安國尚書序伏義神農黃帝之書謂之三墳

言常道也八卦之說謂之八索求其義也九州之志謂之九邱邱聚也言九州所有土地所生風氣所宜皆聚此紛糅楚辭九糅惟其紛糅而十翼見原七觀道篇

尙書大傳六誓可以觀義五誥可以觀仁呂刑可以
觀誠洪範可以觀度禹貢可以觀事皋陶可以觀治
堯典可四始詩序注關雎者風之始鹿鳴者小雅之
以觀美四始始文王者大雅之始清廟者頌之始詩
緯汎厯樞大明在亥水始也四牡在寅木五經禮記
始也嘉魚在巳火始也鴻鴈在申金始也五經祭義
禮有五經莫重於祭五例見徵養正正聖功也萬鈞
五經謂吉凶軍賓嘉五例聖篇養正正聖功也萬鈞
西京賦洪鍾萬鈞錚錚劉盆子傳鐵中錚錚說文曰
注三十斤曰鈞錚錚劉盆子傳鐵中錚錚說文曰
有剛八神致用易精義八神旨遠辭文三言中事隱
辭其旨遠其辭文其言韋編之章編孔子晚而好易讀
曲而中其事肆而隱韋編之章編孔子晚而好易讀
驪淵莊夫子千金之珠必在爾雅爾雅序爾雅者所
敘詩人之興詠總絕代之離辭辨同實而異號者也
釋詁一篇周公所作釋言以下或言仲尼所增子夏
所足叔孫通所子夏歎書尙書大傳子夏讀書畢見
益梁文所補

揚子不必另
列一條

於書子夏對曰書之論事也昭昭如日月之代明離
所若參辰之錯行上有堯舜之道下有二三王之義商
於心弗敢忘也譎喻詩序主文而譎諫言之戒五石
六鷁過宋都公羊傳曷為先言殞而後言石殞石記
聞聞其殞然視之則石察之則五曷為先言六而後
言鷁退飛記見也視之則六察之則五曷為先言六而後
退雉門兩觀春秋定公二年五月雉門及兩觀公羊傳雉門及
飛雉門兩觀十月新作雉門及兩觀公羊傳雉門及
兩觀災何兩觀微也然則曷為不言雉門災及兩觀
主災者兩觀也時災者兩觀則曷為後言之不以微
及大婉章志晦見五大山徧雨河潤千里公羊傳觸
也寸而合不崇朝而徧雨乎天下者唯太山爾河海潤
于千里春秋考異郵河者水之氣四瀆之精所以流
化故曰河揚子漢書揚雄字雕玉注言玉不雕璠璣
潤千里揚子雲著法言雕玉不作器言不文典
謨不作經

此注云從王
本而所從仍
是梅本

爾雅釋書者
不一

是篇梅本書實記言以下有而訓詁茫昧通乎爾
雅則文意曉然云云無然覽文以下十字章條纖
曲下有執而後顯採掇生辭莫非寶也春秋辨理
云云注四句十六字元脫朱從御覽補無觀辭立
曉以下十二字諒以遠矣下有尚書則覽文如詭
而尋理即暢春秋則觀辭立曉而訪義方隱云云
按爾雅本以釋詩無關書之訓詁且五經分論不
應獨與書與春秋贅以覽文云云鬱儀所補四句
辭亦不類宜
從王惟儉本

癸巳二月與武進劉青垣編修在四庫全書處以
永樂大典所載舊本校勘正與梅本相同知王本
為明人臆改

此在後世為不足辨論之事而在當日則為特識康成千古通儒尚不免以緯注經無論文士也

摘疑作適倍適猶曰背馳

正緯第四

夫神道闡幽天命微顯。馬龍出而大易興。神龜見而洪範耀。故繫辭稱河出圖。洛出書。聖人則之。斯之謂也。但世夏文隱。好生矯誕。真雖存矣。偽亦憑焉。夫六經彪炳。而緯候稠疊。孝論昭哲。元作哲許改而鉤識歲時。按經驗緯。其偽有四。蓋緯之成經。其猶織綜絲麻。不雜布帛。乃成今經。正緯奇。倍擿千里。其偽一矣。經顯聖訓也。緯隱神教也。聖訓宜廣。神教宜約。而今緯多於經。神理更繁。其偽二矣。有命自天。迺稱符讖。而八十一篇皆託於孔子。則是堯造綠圖。昌制丹書。其偽三矣。商周以前。圖籙頻

此倍摘疑作
備摘

此駁分明

見春秋之末。羣經方備。先緯後經。體乖織綜。其偽四矣。
偽既倍疑作摘。則義異自明。經足訓矣。緯何豫焉。原夫
圖錄之見。迺昊天休命。事以瑞聖。義非配經。故河不出
圖。夫子有歎。如或可造。無勞喟然。昔康王河圖。陳於東
序。故知前世符命。歷代寶傳。仲尼所撰。序錄而已。於是
伎數之士。附以詭術。或說陰陽。或序災異。若鳥鳴似語。
蟲葉成字。篇條滋蔓。必假孔氏通儒。討覈謂起哀平。東
序秘寶。朱紫亂矣。至於光武之世。篤信斯術。風化所靡。
學者比肩。沛獻集緯。以通經。曹褒撰識。以定禮。乖道謬
典。亦已甚矣。是以桓譚疾其虛偽。尹敏戲疑作熾其深瑕。

至今引用不廢為此故也

張衡發其僻謬。荀悅明其詭誕。四賢博練論之精矣。若乃義農軒睨之源。山瀆鍾律之要。白魚赤鳥之符。黃金紫玉之瑞。元作理孫改事豐奇偉。辭富膏腴。無益經典。而有助文章。是以後來辭人。採摭英華。平子恐其迷學。奏合禁絕。仲豫惜其雜真。未許煨燔。前代配經。故詳論焉。

贊曰

滎河溫洛。是孕圖緯。神寶藏用。理隱文貴。世歷二漢。朱紫騰沸。芟夷譎詭。燦其雕蔚。

緯候

後漢方術傳緯候之部緯七緯也候尚書中候也

歲時

司馬相如封禪文紛綸歲時注

言衆多也

八十一篇

隋經籍志河圖九篇洛書六篇云自黃帝至周文王所受本文又二十篇

正緯

云九聖之所增演又七經緯三十六篇並云孔氏所作合為八十一篇

於翠嬀之川鱸魚折溜而至蘭丹書尚書帝命驗季

葉朱文以授黃帝名曰綠圖敬勝怠者吉怠

爵銜丹書止於鄭集於昌戶其書曰敬勝怠者吉怠

勝敬者滅天戴禮武王召尚父問曰黃帝顓頊之道

存乎尚父曰在丹書圖錄後漢方術傳光武尤信讖

王欲聞之則齋矣圖錄言士之赴趣時宜者皆馳

騁穿鑿爭談之也故王梁孫咸名應圖錄越登槐鼎

之任鄭興賈逵以附同稱顯桓譚尹敏以乖忤淪敗

又謝夷吾傳東序顧命河符命揚雄傳爰清靜作

綜校圖錄在東序符命

真曰吾聞帝王歷代寶傳書顧命傳河圖八卦伏羲

之興必有符命王天下龍馬出河遂則其

文以畫八卦謂之序災異隋經籍志漢末郎中鄒萌

河圖歷代傳寶之鄭元並為識律之註鳥鳴似語

謂之春秋災異宋均鄭元並為識律之註鳥鳴似語

然其文辭淺俗顛倒舛謬不類聖人之旨鳥鳴似語

左傳鳥鳴於亳社如曰嘻蟲葉成字

嘻甲午宋大災宋伯姬卒蟲葉成字

林柳樹斷一朝

起立生枝葉有蟲食葉成文字曰公孫病假孔氏經

已立宣帝本名病已蓋帝將膺大位之徵道知後世

籍志說者曰孔子既敘六經以明天人之微其書出於

不能稽同其意故別立緯及識以遺來世其書出於

前起哀平書洪範疏緯候之書不知秘寶班固典引

漢起哀平誰作通人討覈謂起哀平秘寶御東序之

秘寶以光武東觀漢記光武避正殿讀識風化所靡

流其古光武坐廡下淺露中風苦教也識風化所靡

隋經籍志光武以圖識興遂盛行於世詔東平王蒼

正五經章句皆命從識俗儒趨時益為其學篇卷第

目轉相增廣言五沛獻後漢書沛獻王輔好經書善

經者皆憑識為說沛獻說京氏易孝經論語傳及圖

識作五經論時號曹褒後漢書曹褒受命次序禮事

之曰沛王通論號曹褒依準舊典雜以五經識記之

文撰次天子至於庶人冠婚吉桓譚識多以後漢書帝方信

凶終始制度以爲百五十篇桓譚識多以後漢書帝方信

疑桓譚上疏曰觀先王之記述咸以尹敏後漢書帝

仁義正道爲本非有奇怪虛誕之事尹敏後漢書帝

圖識敏對曰識書非聖人所作其中多張衡後漢書

近鄙別字頗類世俗之辭恐疑誤後生張衡後漢書

正緯

三

此亦申鑒之
文漏其書名

以後儒者爭學圖緯張衡上疏曰立言於前有徵於
後謂之識書自漢取秦莫或稱識一言劉向父子頌校
徒以道術立名其所著無識一乃始聞之始必
秘書閣定九流亦無識錄成哀之後乃始聞之始必
虛偽之徒以要世取資宜收藏圖識一荀悅後漢書
禁絕之則朱紫無所眩典籍無瑕玷矣荀悅荀悅作
申鑒俗嫌篇曰世稱緯書仲尼所作臣叔父爽辨之
蓋發其偽也有起於中興之前終張之徒之作乎
山瀆顏延之曲水詩序暑鍾律應鍾律叢辰日苑鍾
律消白魚赤烏中王俯取以祭既渡有火自上復於
息下至於王屋流為烏黃金其政平則黃金見深山紫
其色赤其聲魄云黃金未許煨燔荀悅辨緯書為偽
玉則紫玉見於深山尚書中候帝堯即政溫洛鑿乾
之則紫玉見於深山尚書中候帝堯即政溫洛鑿乾
焉則可曷其燔榮河榮光出河休氣四塞溫洛鑿乾
帝盛德之應洛水
先溫九日乃寒

詞賦之源出於騷浮豔之根亦濫觴於騷辨字極爲分明

辨騷第五

離騷乃楚詞之一篇統名楚詞爲騷相沿之誤也

自風雅寢聲莫或抽緒奇文鬱起其離騷哉固已軒翥詩人之後奮飛辭家之前豈去聖之未遠而楚人之多才乎昔漢武愛騷而淮南作傳以爲國風好色而不淫小雅怨誹元作謗許改而不亂若離騷者可謂兼之蟬蛻穢濁之中浮游塵埃之外皜然涅而不緇雖與日月爭光可也班固以爲露才揚己忿懟沉江羿澆二姚與左氏不合崑崙懸一作玄圃非經義所載然其文辭麗雅爲詞賦之宗雖非明哲可謂妙才王逸以爲詩人提耳屈原婉順離騷之文依經立義駟虬乘翳則時乘六龍崑崙

流沙則禹貢敷土名儒辭賦莫不擬其儀表所謂金相玉質百世無匹者也及漢宣嗟歎以爲皆合經術揚雄諷味亦言體同詩雅四家舉以方經而孟堅謂不合傳褒貶任聲抑揚過實可謂鑒而弗精翫而未覈者也將覈其論必徵言焉故其陳堯舜之耿介稱湯武之祇敬典誥之體也譏桀紂之猖披傷羿澆之顛隕規諷之旨也虬龍以喻君子雲蜺以譬讒邪比興之義也每一顧而掩涕歎君門之九重忠怨之辭也觀茲四事同於風雅者也至於託雲龍說迂怪豐隆求宓妃鳩鳥媒娥女詭異之辭也康回傾地夷羿彈

元作蔽日木夫

元作天

九首。土伯三目。

元作足朱改

譎怪之談也。依彭咸之遺則。從

子胥以自適。狷狹之志也。士女雜坐。亂而不分。指以為

樂。娛酒不廢。沉湎日夜。舉以為懽。荒淫之意也。摘此四

事。異乎經典者也。故論其典。誥則如彼。語其夸誕。則如

此。固知楚辭者。體慢。元作憲朱據於三代。而風雅於戰

國。乃雅頌之博徒。而詞賦之英傑也。觀其骨鯁所樹。肌

膚所附。雖取鎔經意。亦自鑄偉辭。故騷經九章。朗麗以

哀。志九歌九辯。綺靡以傷情。遠遊天問。瑰詭而惠巧。招

魂招隱。

馮云招隱楚辭本作大招下云屈宋莫追疑大招為是

耀豔而深華。卜居

標放言之致。漁父寄獨往之才。故能氣往轢古。辭來切

今驚采絕艷。難與並能矣。自九懷以下。遽躡其跡。而屈宋逸步。莫之能追。故其敘情怨。則鬱伊而易感。述離居。則愴怏而難懷。論山水。則循聲而得貌。言節候。則披文而見時。是以枚賈追風。以八麗。馬揚沿波。而得奇。其衣被詞人。非一代也。故才高者。苑其鴻裁。中巧者。獵其豔辭。吟諷者。銜其山川。童蒙者。拾其香草。若能憑軾以倚雅頌。懸轡以馭楚篇。酌奇而不失其真。翫華而不墜其實。則顧盼可以驅辭力。欬唾可以窮文致。亦不復乞靈於長卿。假寵於子淵矣。

贊曰

不有屈原。豈見離騷。驚才風逸。壯志煙高。山川無極。情

理實勞。金相玉式。豔溢鎔毫。元作絕益稱豪朱攷宋本楚辭改

離騷。屈原列傳。原名平楚之同姓也。為楚懷王左徒。王甚任之。上官大夫諛之。王怒而疏屈原。故憂

愁幽思而作離騷。上。官。大。夫。諛。之。王。怒。而。疏。屈。原。平。故。憂

離騷者。猶離憂也。軒翥。班固典引。甘露宵零於豐草。三足軒翥於茂樹。注。軒翥飛

貌。楚人多才。左傳。惟楚有淮南。漢書。淮南王。安。好。書。才。晉。實。用。之。淮。南。武。帝。使。為。離。騷。傳。旦

受詔。日。蟬。蛻。淮南子。蟬飲而不。羿。澆。離騷。羿淫遊以

食。時。上。蟬。蛻。食。三。十。日。而。蛻。不。羿。澆。佚。田。今。又。好。射

夫。封。狐。澆。身。被。服。強。圉。今。縱。欲。而。不。忍。注。羿。有。窮。之

君。夏。時。諸。侯。也。因。夏。衰。亂。代。之。為。政。娛。樂。田。獵。信。任

寒。泥。使。為。國。相。泥。殺。羿。而。取。羿。妻。生。二。姚。離騷。及。少

澆。強。梁。多。力。縱。放。其。慾。不。能。自。忍。也。二。姚。康。之。未。家

兮。留。有。虞。之。二。姚。注。有。虞。國。名。姚。姓。舜。後。也。昔。寒。崑

泥。使。澆。殺。夏。后。相。少。康。逃。奔。有。虞。虞。因。妻。以。二。女。崑

崑元圃。天問。崑崙。崑崙縣。圃。其。尻。安。在。王。逸。字。叔。師。為。侍

中著楚辭章 駟虬乘翳 離騷 駟王虬以乘鸞 時乘六

龍易乾 崑崙流沙 禹貢 崑崙析支渠搜又曰餘波入

陳堯舜 離騷 彼堯舜之耿介 稱湯武 離騷 湯禹儼而

而莫譏桀紂 離騷 何桀紂之昌披 虬龍 涉江 駕青虬

虬螭神獸宜於 駕乘以雲 蜺 離騷 飄風屯其相離兮

喻賢人清白可 信任也 雲 蜺 離騷 長太息 君門不鬱陶

無常之風以與 邪惡 掩涕 離騷 駕八龍之婉婉 注

雲蜺惡氣以喻 佞人 九重 雲龍 離騷 載雲旗之委蛇 注

而思君兮君之 門以九重 雲龍 離騷 載雲旗之委蛇 注

言已德如龍可 制御八方 己 豐隆求宓妃 離騷 乘雲

德如雲雨能潤 施萬物也 豐隆求宓妃 離騷 乘雲

兮求宓妃之所 在 注 豐隆雲師一 鳩鳥媒妁女 離騷

日雷師宓妃神 女也以喻隱士 鳩鳥媒妁女 望瑤

臺之偃蹇兮見 有娥之佚女 吾令鳩為媒兮鳩告余

以不好 注 有娥 國名謂帝嚳之妃 契母簡狄也 配聖

帝生賢子以喻貞賢也鳩運日也羽有毒可殺人以
喻讒賊言我使鳩鳥為媒以求簡狄其性讒賊還詐
告我言康回傾地天問康回憑怒墜何故以東南傾
折故夷羿彈日堯時十日並出草木枯槁堯命羿仰
射十日中其九日中九鳥木夫九首招魂一夫九
皆死墮其羽翼說文彈射也木夫九首招魂一夫九
些注有丈夫一身九頭強梁多士伯三目招魂士伯
力從朝至暮拔大木九千株也士伯三目招魂士伯
鬢鬢些參日虎首其身若牛些注士伯后士之侯彭
伯也其貌如虎而有三日身又肥大狀如牛也彭
咸離騷願依彭咸之遺則注彭咸殷賢子胥橘頌浮
入海兮從子士女雜坐亂而不分招魂句注言恣意
胥而自適也也
娛酒不廢沈湎日夜招魂句注言晝博徒信陵君
也也
聞趙有處士毛九章王逸曰屈原放於江南之野復
公藏於博徒作九章章者著明也言已所陳

忠信之道九歌王逸曰昔楚南郢之邑其俗信鬼而
甚著明也曲九辯忠而放逐故作九辯以述其志
託以諷諫遠遊王逸曰遠遊者屈原之所作也
天問王逸曰天問者屈原之所作也屈原放逐憂心
公卿祠堂圖畫天地山川神靈及古賢聖怪物招魂
行事因書其壁呵而問之以渫憤懣舒寫愁思招魂
王逸曰宋玉憐哀屈原厥命將落大招者屈原之所
作也或曰景差疑不能明也屈原放逐恐命將終所
行不遂故憤然大招其魂又曰招隱士者淮南小山
之徒閔傷屈原雖身沈沒名德顯聞與隱處卜居王
山澤無異故作招隱士之賦以章其志也
日卜居者屈原之所作也原放棄乃漁父王逸曰漁
往太卜之家卜己居世何所宜行漁父者屈原
所作也漁父避世時遇屈九懷王逸曰九懷者王褒
原怪而問之遂相應答屈九懷之所作也懷者思也

裛讀屈原之文追而愍之故作九懷以裛其詞遂列於篇裛字子淵枚賈馬揚漢藝文
屈原離讒憂國作賦以諷有惻隱古詩之義其後宋
玉唐勒漢興枚乘司馬相如下及揚子雲競為侈麗
閎衍之辭沒其諷諭之義又賈誼傳誼為長沙乞靈
王太傅意不自得及渡湘水為賦以弔屈原若苟無四
左傳願乞長卿漢書司馬相假寵左傳君若苟無四
靈於臧氏長卿如字長卿相假寵方之虞則願假寵
以請於諸侯

文心雕龍卷第一終

文心雕龍卷第二

梁 劉 勰 撰

北平黃叔琳注

河間紀 昀 評

明詩第六

此雖習見之語其實詩之本原莫踰於斯後人紛紛高論皆是枝葉工夫○大舜九句是發乎情詩者七句是止乎禮義

大舜云詩言志歌永言聖謨所析義已明矣是以在心為志發言為詩舒文載實其在茲乎詩者持也持人情性三百之蔽義歸無邪持之為訓有符焉爾人稟七情應物斯感感物吟志莫非自然昔葛天氏樂辭云玄鳥在曲黃帝雲門理不空綺朱云當作絃至堯有大唐一作章之

歌舜造南風之詩。觀其二文。辭達而已。及大禹成功。九
序惟歌。太康敗德。五子咸怨。順美匡惡。其來久矣。自商
暨周。雅頌圓備。四始彪炳。六義環深。子夏監絢素之章。
子貢悟琢磨之句。故商賜二子。可與言詩。自王澤殄竭。
風人輟采。春秋觀志。諷誦舊章。酬酢以爲賓榮。吐納而
成身文。逮楚國諷怨。則離騷爲刺。秦皇滅典。亦造仙詩。
漢初四言。韋孟首唱。匡諫之義。繼軌周人。孝武愛文。柏
梁列韻。嚴馬之徒。屬辭無方。至成帝品錄。三百餘篇。朝
章國采。亦云周備。而辭人遺翰。莫見五言。所以李陵班
婕妤。見疑於後代也。按召南行露。始肇半章。孺子滄浪。

觀此則以蘇
李爲僞不始
於東坡矣

此與鍾嶸之說亦大同小異

類字是

直而不野括盡漢人佳處是清曲曲字作婉字解

是建安源

亦有全曲。暇豫優歌。遠見春秋。邪徑童謠。近在成世。閱

時取證。一作微則五言久矣。又古詩佳麗。或稱枚叔。其孤

竹一篇。則傅毅之詞。比采一作類而推。兩漢之作。乎觀其

結體散文。直而不野。婉轉附物。怛悵切情。實五言之冠

冕也。至於張衡怨篇。清典一作曲從可味。仙詩緩歌。雅

有新聲。暨建安之初。五言騰踊。文帝陳思。縱轡以騁節。

王徐應劉。望路而爭驅。並憐風月。狎池苑。述恩榮。敘酣

宴。慷慨以任氣。磊落以使才。造懷指事。不求纖密之巧。

驅辭逐貌。唯取昭晰之能。此其所同也。乃正始明道。詩

雜仙心。何晏之徒。率多浮淺。唯嵇志清峻。阮旨遙深。故

謝客爲之倡
原評
齊梁以後此
風又變惟以
塗飾相尙側
豔和矜而詩

能標焉。若乃應璩百一，獨立不懼，辭譎義貞，亦魏之遺直也。晉世羣才，稍入輕綺。張潘左陸，比肩詩衢。采繹於正始，力柔於建安。或析文以爲妙，或流靡以自妍。此其大略也。江左篇製，溺乎玄風，嗤笑徇務之志，崇盛亡機之談。袁孫已下，雖各有雕采，而辭趣一揆，莫與爭雄。所以景純仙篇，挺拔而爲俊矣。宋初文詠，體有因革。莊老告退，而山水方滋。儷采百字之偶，爭價一句之奇。情必極貌，以寫物；辭必窮力，而追新。此近世之所競也。故鋪觀列代，而情變之數可監；撮舉同異，而綱領之要可明矣。若夫四言正體，則雅潤爲本；五言流調，則兩則字從御覽增。

弊極焉
此論却局於
六朝習徑未
得本原夫雅
潤清麗豈詩
之極則哉

清麗居宗。華實異用。唯才所安。故平子得其雅。叔夜含
其潤。茂先凝其清。景陽振其麗。兼善則子建仲宣。偏美
則太冲公幹。然詩有恆裁。思無定位。隨性適分。鮮能通
圓。若妙識所難。其易也將至。忽之爲易。其難也方來。至
於三六雜言。則出白篇什。離合之發。則明於圖讖。回文
所興。則道原爲始。聯句共韻。則柏梁餘製。巨細或殊。情
理同致。總歸詩囿。故不繁云。

贊曰

民生而志。詠歌所含。興發皇世。風流二南。神理共契。政
序相參。英華彌縟。萬代永耽。

葛天氏樂詞玄鳥在曲呂氏春秋葛天氏之樂三人

載民二日玄鳥三日遂草木四日奮五穀五日敬雲

門周禮大司樂奏黃鐘歌大呂舞雲門以大唐之歌

尚書大傳維五紀奏鍾石論人聲及乃鳥獸咸變於

前秋養耆老而春食孤子乃勃然韶樂興於大麓之

野執事還歸二年謗然乃作大唐之南風家語舜彈

歌一作大章漢禮樂志堯作大章南風五弦之琴

造南風之詩其詩曰南風之薰兮可以解吾九序見

民之惛兮南風之時兮可以阜吾民之財兮九序

書五子見夏順美孝經將順其四始見宗六義毛詩

有六義焉一日風二日賦三日王澤殄竭班固賦王澤

日比四日興五日雅六日頌王澤殄竭而詩不作

觀志左傳鄭伯享趙孟于垂隴七子從趙孟曰七子

子之賓左傳詩以言志志誣其上而身文身左傳言

志公怨之以為賓榮其能久乎身左傳言

志公怨之以為賓榮其能久乎身左傳言

也仙詩（更記）秦始皇使博士為仙（漢書）韋孟（楚元王傳）傳

子夷王及孫王戊戌荒（柏梁）漢武帝柏梁殿聯句（淫不遵道）孟作詩（諷諫）

嚴（嚴助）傳（助會稽吳人）嚴夫子（注）嚴夫子（注）嚴夫子（注）嚴夫子（注）嚴夫子（注）

莊（忽奇）賦（十一篇）注（忽奇）者（或言）莊夫子（注）莊夫子（注）莊夫子（注）莊夫子（注）莊夫子（注）

或言族家子（莊助）昆弟也（嚴助）賦（三十五篇）馬（相如）

見成帝品錄（漢藝文志）成帝詔劉向校經傳諸子詩

錄而奏之歌詩（二十五言）鍾嶸詩品（夏歌曰）鬱陶乎

入家三百一十四篇（五言）余心楚辭（曰名）余曰（正則）

雖詩體未全然是五言之濫觴（李陵）詩品（漢都尉）李

也逮漢李陵始著五言之句矣（李陵）詩品（漢都尉）李

楚辭文多悽怨者之流（陵名）家子有殊才（生命）不佳

文心雕龍 卷二 明詩 四

仙詩緩歌今
已無考不得
以素女天老
字附會仙字

優施乃飲里克酒中飲優施起舞曰暇豫之邪徑五
吾志不成帝時謠曰邪徑敗良田讒口害善人桂枝
樹華不實黃雀巢其顛故為人所羨今為人所憐枚
叔古詩十九首文選注並云古詩蓋不知作者或云
兼東都非盡是乘明矣徐陵玉臺新咏謂青青河畔
草西北有高樓涉江采芙蓉庭中有奇樹迢迢牽牛
星東城高且長明月何皎皎孤竹後漢書傅毅字武仲
皎七首是乘作乘字叔其辭曰猗猗秋蘭植彼中阿有
冉冉孤生張衡怨篇馥其芳有黃其葩雖曰幽深厥
竹篇也子云仙詩緩歌儀態盈萬方眾夫所希見
美彌嘉如何後漢獻帝紀建安元年春正月癸酉郊
遙我勞教建安祀上帝於安邑大赦天下改元建安下
義皇建文帝陳思王徐應文帝陳思源出於李陵頗有
所云文帝陳思王徐應文帝陳思源出於李陵頗有
劉俱當時作詩者也文帝陳思源出於李陵頗有
仲宣之體陳思王植詩源出於國風骨氣奇高詞采
華茂情兼怨雅體被文質繁溢今古卓爾不羣故孔

氏之門如用詩則公幹升堂思王入王徐應劉魏志

室景陽潘陸自可坐於廊廡之間矣王徐應劉王粲

字仲宣徐幹字偉長應瑒字德璉劉楨字公幹魏文

帝與吳質書偉長懷文抱質恬淡寡欲有箕山之志

可謂彬彬君子矣德璉常斐然有述作之意其才學

足以著書美志不遂良可痛惜公幹有逸氣但未適

耳五言詩之善者妙絕時倫仲宣續自善於辭賦正

惜其體弱不足起其文至其所善古人無以遠過正

始魏志齊王芳詩雜仙心言其皆何晏典略何晏字

平叔鴻雁之嵇晉書嵇康字叔夜鍾嶸曰嵇康詩頗

篇風規見矣嵇似魏文過為峻切訐直露才傷淵雅

之志然託喻清遠良有阮晉書阮籍字嗣宗鍾嶸曰

鑒裁亦未失高流矣阮籍詩其源出於小雅無

雕蟲之功而詠懷之作可以陶性靈發幽思言在耳

目之內情寄入荒之表洋洋乎會於風雅使人忘其

鄙近自致遠大頗多感慨應璩百一魏志應璩字休

之詞厥旨淵放歸趣難求應璩百一魏志應璩字休

王芳即位曹爽輔政多違法度璩作百一詩以諷序

云時謂爽曰公聞周公魏巍之稱安知百慮有一失

乎故以百張潘左陸詩評序晉太康中三張二陸兩
一名篇流未沫亦文章之中興也按三張載字孟陽協字景
陽亢字季陽王注引張華誤二陸機字士衡雲字士
龍兩潘岳字安仁尼字元風沈約宋書在晉中興元
正叔一左思字太冲文辭義獨扇為學窮於柱下
博物止乎七篇馳騁聯詞波屬雲委莫不寄言上德
熙歷載將百雖綴響聯詞波屬雲委莫不寄言上德
託意元珠適麗嗤笑于寶晉紀總論學者以莊老為
之詞無聞焉耳宗而黜六經談者以虛薄為辯
而賤名檢當官者以袁晉書袁宏字彥伯有逸才鍾
望空為高而笑勤恪晉書袁宏字彥伯有逸才鍾
而鮮明緊健孫誕不羈而善屬文舊注引孫楚楚卒
去凡俗遠矣孫誕不羈而善屬文舊注引孫楚楚卒
於惠帝初不景純臧榮緒晉書郭璞字景
得為江左也風叔源大變太元之氣爰逮宋氏顏謝
始革孫許之興會標舉延年之體裁明密並方軌前
騰聲靈運之興會標舉延年之體裁明密並方軌前
哲垂範山水謂顏謝騰聲如選茂先晉書張華
後昆詩遊覽諸作也

詩品晉張協詩雄於潘岳靡於太冲風流調達實曠

代之高手詞彩葱蒨音韻鏗鏘使人味之疊疊不倦

子建仲宣詩品王粲詩其源出於李陵發愀愴之詞

不足比魏太冲公幹詩品左思詩其源出於公幹文

雖有餘陸機而深於潘岳謝康樂常三六雜言緣起

言左太冲詩潘安仁詩古今難比

三言詩晉夏侯湛所出自篇什流也文章流別詩之

作六言詩漢谷永作出篇什流也文章流別詩之

言六言七言九言古詩率以四言為體而時一句二

句雜在四言之間後世演之遂以為篇三言者振振

驚驚于飛之屬是也五言者誰謂雀無角之屬是也

文心雕龍

卷二

明詩

七

合卯金刀在軫北字禾子為季也回文所興道原為始

璇璣圖至唐
始顯武后之
序可證不得
執以駭前人

道原未詳舊注引賀道慶然道慶四言回文之前已
有璇璣圖詩不可謂之始矣唐武后璇璣圖序前秦
苻堅時扶風竇滔妻蘇氏名蕙字若蘭滔鎮襄陽絕
蘇氏音問蘇氏因織錦為迴文五彩相宣縱廣八寸
題詩二百餘首計入百餘言縱橫反覆皆為文章又
雜體詩序晉傅咸有迴文反覆詩二首反覆其文以
示憂心展轉也聯句見柏
是又在竇妻前梁注

樂府第七

樂府者。聲依永。律和聲也。鈞天九奏。既其上帝。葛天八闋。爰乃皇時。自咸英以降。亦無得而論矣。至於塗山歌於候人。始爲南音。有娥謠乎飛燕。始爲北聲。夏甲歎於東陽。東音以發。殷整元作麓思於西河。西音以興。音聲推移。亦不一概矣。匹元作及夫庶婦。謳吟土風。詩官採言。樂盲元作育被律。志感絲篴。氣變金石。是以師曠覘風於盛衰。季札鑒微於興廢。精之至也。夫樂本心術。故響浹肌髓。先王慎焉。務塞淫濫。敷訓胄子。必歌九德。故能情感七始。化動八風。自雅聲浸微。溺音騰沸。秦燔樂經。

務塞淫濫四字爲一篇之綱領八字貫下十

餘行非單品
秦漢

桂華安世房

中歌之一也

尙未至於不

經此論過當

赤雁等篇亦

不得目之曰

靡論亦過高

蓋深惡塗飾

故矯枉過正

聲詩始判原

聲詩自古本

判不始於此

此評似是而

非

漢初紹復制氏紀其鏗鏘叔孫定其容與於是武德興
乎高祖四時廣於孝文雖摹韶夏而頗襲秦舊中和之
響闕其不還暨武帝崇禮始立樂府總趙代之音撮齊
楚之氣延年以曼聲協律朱馬以騷體製歌桂華雜曲
麗而不經赤雁羣篇靡而非典河間薦雅而罕御故汲
黯致譏於天馬也至宣帝雅頌詩效鹿鳴邇及元成稍
廣淫樂正音乖俗其難也如此暨後郊廟惟雜雅章辭
雖典文而律非夔曠至於魏之三祖氣爽才麗宰割辭
調音靡節平觀其北上眾引秋風列篇或述酣宴或傷
羈戍志不出於淫蕩辭不離於哀思雖三調之正聲實

此乃折出本
旨其意為當
時宮體競尚
輕豔發也觀
玉臺新詠乃
知彥和識高
一代
語語透宗源

聲詩雖別亦
必無詩淫而
聲雅者固知
鄭聲既淫則
詩不待言矣
此論以聲被
詞意亦斥當
時之棄古詞

韶夏之鄭曲也。逮於晉世，則傳玄曉音，創定雅歌，以詠
祖宗。張華新篇，亦充庭萬，然杜夔調律，音奏舒雅。荀勗
改懸，聲節哀急，故阮咸譏其離聲。後人驗其銅尺，和樂
精妙，固表裏而相資矣。故知詩為樂心，聲為樂體。樂體
在聲，瞽師務調其器，樂心在詩，君子宜正其文。好樂無
荒，晉風所以稱遠。伊其相諛，鄭國所以云亡。故知季札
觀辭，不直聽聲而已。若夫豔歌婉變，怨志誅絕，淫辭在
曲，正響焉生。然俗聽飛馳，職競新異，雅詠溫恭，必欠伸
魚睨，奇辭切至，則拊髀雀躍。詩聲俱鄭，自此階矣。凡樂
辭曰詩，詩聲曰歌。聲來被辭，辭繁難節，故陳思稱李延

此樂府多不可讀之根後人不知其增損遂乃妄解唐人用樂府古題及自立新題者皆所謂無詔伶人譏唐伶人所歌皆當時之詩也此評未確致當作制觀此知玉臺之襍編必非孝穆之本

年閑於增損古辭多者則宜減之明貴約也觀高祖之詠大風孝武之歎來遲歌童被聲莫敢不協子建士衡咸有佳篇並無詔伶人故事謝絲管俗稱乖調蓋未思也至於斬俞羨長云疑作軒伎疑作岐鼓吹漢世鏡挽雖戎喪殊事而並總入樂府繆襲所致亦有可算焉昔子政品文詩與歌別故略具樂篇以標區界

贊曰

八音摛文樹辭為體謳吟垌野金石雲陞韶響難追鄭聲易啓豈惟觀樂於焉識禮

鈞天九奏

史記趙簡子疾寤語大夫曰我之帝所甚樂與百神遊於鈞天廣樂九奏萬舞不類

三代之樂其聲動人心葛天八闕見明詩篇咸英樂緯黃帝樂曰咸

塗山呂氏春秋禹行功見塗山之女禹未之遇而巡

兮猗實始有娥呂氏春秋有娥氏有二佚女為之九

作為南音有娥成之臺飲食必以鼓帝令燕往視之

鳴若謐隘二女愛而爭搏之覆以玉筐少選發而視

之燕遺二卵北飛遂不返二女作歌曰終日燕燕往

飛實始作夏甲呂氏春秋夏后氏孔甲田于東陽蕢

為北音夏甲山天大風晦盲孔甲迷惑入于民室

主方乳或曰之子是必有殃后曰以為余子孰敢

殃之子長成人幕動折橈斧斫斬其足孔甲曰嗚呼

有疾命矣夫乃作破殷整呂氏春秋周昭王親將征

斧之歌實始為東音殷整荆辛餘靡為王昭王右王

漢中辛餘靡振王北濟周公乃侯之於西翟師曠左

殷整甲徙宅西河猶思故處實始作為西音師曠左

晉人聞有楚師曠曰不害吾驟歌北風季札左傳

又歌南風南風不競多死聲楚必無功風季札吳公

子札來聘請觀周樂為之歌鄭曰美哉其細已甚民

弗堪也是其先亡乎為之歌齊曰美哉泱泱乎大風

也哉表東海者其太淫濫樂記流辟邪散狄成滌公乎國未可量也漢禮樂志周詩既備而其器用張陳周官具焉朝德夕習業以教國子皆學歌九德誦六詩習六舞五聲入音之和故帝舜命七始和聲注七始華始肅倡夔曰女典樂教胄子七始和聲注七始華始肅倡人之始華始萬物英華之始也禮樂志七始華始肅倡王應麟玉海黃鐘林鐘太簇為天地人之始姑洗蕤賓南呂應鐘八風易緯八節之風謂之八風左傳夫為四時之始八風舞所以節八音而行之風杜注入風八方之風也以八音之器播八方之風溺音子夏手之舞之足之蹈之節其制而敘其情風溺音子夏日今君之所好者其溺音乎文侯曰敢問溺音何從出也子夏曰鄭音好濫淫志宋音燕女溺志衛音趨數煩志齊音敖辟驕志此四者皆淫制氏興樂家有於色而害於德是以祭祀弗用也叔孫禮樂志叔制氏以雅樂聲律世世在太樂官但叔孫禮樂志叔能紀其鏗鏘鼓舞而不能言其義叔孫禮樂志叔樂人制武德禮樂志武德舞高祖四年作以四時宗廟樂武德象天下樂已行武以除亂也

志四時舞者孝文所作始立樂府禮樂志武帝定郊
以明示天下之安和也采詩夜誦有趙代秦楚之謳按孝惠二年夏侯
寬已為樂府令則樂府之立未必始於武帝也延年
漢書佞幸傳李延年善歌為新變聲上欲造樂合司
馬相如等作詩頌延年輒承意弦歌所造詩為之新
聲曲女弟李夫人產昌邑桂華禮樂志安世樂房中
王繇是貴為協律都尉華赤鴈始三年行幸東海獲赤鴈作
志河間獻王有雅材以為治道非禮樂不成因獻所
集雅樂天子下太樂官常存肄之歲時以備數然不
常御常御及郊汲黯史記樂書武帝得神馬渥洼水
廟皆非雅聲汲黯中歌曲曰太一貢兮天馬下後
伐大宛得千里馬歌詩曰天馬來兮從西極汲黯進
曰凡王者作樂上以承祖宗下以化兆民今陛下得
馬詩以為歌協於宗廟先詩效鹿鳴王褒傳宣帝時
帝百姓豈能知其音耶嘉應上頗作歌詩欲興協律之事於是益州刺史王
襄欲宣風化於眾庶聞王褒有俊才請與相見使褒

作中和樂職宣布詩選好事稍廣淫樂禮樂志成帝時鄭聲尤甚
者令依鹿鳴之聲習而歌之黃門名倡內彊景武之屬富顯於世貴戚五侯定
陵富平外戚之家淫侈過度至與人主爭女樂三
祖鍾嶸詩品魏武帝魏明帝詩曹公古直哀思淫蕩
按魏太祖苦寒行北上太行山云云通篇寫征人之
苦文帝燕歌行秋風蕭瑟天氣涼云云亦託辭於思
婦所謂或傷羈戍辭不離於哀思也他若文帝於譙
作孟津諸作則又或述酣宴志不出於淫蕩之證也
三調晉樂志有因絲竹金石造歌以被之魏世三調
周房中曲之遺聲漢世謂之三調又有楚傅立晉樂
調漢房中樂也與前三調總謂之相和調志泰
始二年詔郊祀明堂禮樂權用魏儀遵周室肇張華
稱殷禮之義但改樂章而已使傅立為之調云張華
晉樂志使郭夏宋識等造正德庭萬詩邶風簡兮篇
人豫二舞其樂章張華所作庭萬公庭萬舞公羊
傳萬者何干舞也何休注干謂楯也能為人扞難杜
而不使害人故聖王貴之以為武樂萬者其篇名杜

魚睨似是瞠
視之貌魚目
不瞬故也此
注未確

夔

晉樂志魏武平荆州獲漢雅樂郎河南杜荀勖阮

咸

晉樂志荀勖以杜夔所制律呂校太樂總章鼓次

勖又作新律自謂宮商克諧然論者猶謂勖暗解時

阮咸妙達八音論者謂之神解咸常心譏勖新律聲

高以爲高近哀思不合中和每公會樂作勖意咸謂

之不以爲異已出咸爲始平相後有田父耕於野

得周時玉尺勖以校己所治鐘鼓金石好樂無荒唐

絲竹皆短校一米於此伏咸之妙徵歸好樂無荒唐

風蟋晉風陶唐氏之遺民乎不然何憂之遠也注晉

本唐伊其相諱漆洧篇豔歌樂府古欠伸魚

睨鮑照謝見原疏大喜猝至小拊髀雀躍東遊過扶

搖之枝而適遭鴻濛詠大風史記高帝還歸過沛

濛方將拊髀雀躍而遊詠大風史記高帝還歸過沛

縱酒發沛中兒得百二十人教之歌酒酣高祖擊筑

自爲歌詩曰大風起兮雲飛揚威加海內兮歸故鄉

安得猛士歎來遲漢書外戚傳李夫人卒帝思念不
兮守四方燈燭設帷帳陳酒肉而令上居他帳遙望見好女如
李夫人之貌上愈益相思悲感爲作詩曰是邪非邪
立而望之偏何姍姍其來軒岐鼓吹崔豹古今注短
遲合樂府諸音家絃歌之軒岐鼓吹蕭鐃歌軍樂也
黃帝使岐伯作漢樂有黃門鼓吹天子漢世鐃挽樂
以燕樂羣臣短簫鐃歌鼓吹之一章耳志漢鼓吹鐃歌十八曲譙周法訓挽歌者高帝召田
橫至尸鄉自殺從者不敢哭爲此歌以寄哀音焉古
今注薤露蒿里並喪歌也言人命如薤上之露易晞
滅也亦謂人死魂魄歸乎蒿里至孝武時李延年乃
分爲二曲薤露送王公貴人蒿里送士繆襲文章志
大夫庶人使挽柩者歌之亦呼爲挽歌繆襲字
熙伯作魏鼓吹曲及挽歌

詮賦第八

鋪采摛文盡賦之體物寫志盡賦之旨似箴字下脫一瞽字

拓字不誤開拓之義也顏延年宋郊祀歌奄受敷錫宅中拓字李善注引漢書

詩有六義其二曰賦。賦者鋪也。鋪采摛文。體物寫志也。昔邵呂覽作召公稱公卿獻詩。師箴。賦傳云登高能賦可爲大夫。詩序則同義。傳說則異體。總其歸塗。實相枝幹。劉向云。明不歌而頌。班固稱古詩之流也。至如鄭莊之賦。大隧。士蔦之賦。狐裘。結言。拒韻。詞自己作。雖合賦體。明而未融。及靈均唱騷。始廣聲兒。然賦也者。受命於詩人。拓疑作括宇於楚辭也。於是荀況禮智。宋玉風釣。爰錫名號。與詩畫境。六義附庸。蔚成大國。遂許云當作述客主元作至以首引。極聲元脫貌以窮文。斯蓋別詩之原始。命賦之

虞詡曰先帝
開拓土宇

分別體裁經
緯秩然雖義
可並存而體
不相假蓋齊
梁之際小賦
為多故判其
區以明本末

厥初也。秦世不文。頗有雜賦。漢初詞人。順流而作。陸賈
扣其端。賈誼振其緒。枚馬同其風。王揚騁其勢。皋朔元作
改翔曹己下。品物畢圖。繁積於宣時。校閱於成世。進御之
賦。千有餘首。討其源流。信興楚而盛漢矣。夫京殿苑獵。
述行序志。並體國經野。義尚光大。既履端於倡序。亦歸
餘於總亂。序以建言。首引情本。亂以理篇。迭致文契。按
那之卒章。閔馬元作焉稱亂。故知殷人輯頌。楚人理賦。
斯並鴻裁之寰域。雅文之樞轄也。至於草區禽族。庶元作
鹿曹品雜類。則觸興致情。因變取會。擬諸形容。則言務
纖密。象其物宜。則理貴側。附斯又小制之區畛。奇巧之

鵬賦為談理之始

篇末側注小賦一邊言之救俗之意也

機要也。觀夫荀結隱語，事數自環。宋發巧談，實始淫麗。枚乘兔園，舉要以會新。相如上林，繁類以成豔。賈誼鵬鳥，致辨於情理。子淵洞簫，窮變於聲兒。孟堅兩都，明綯元作朋約朱放御覽改以雅贍。張衡二京，迅發一作拔以宏富。子雲甘泉，構深瑋之風。延壽靈光，含飛動之勢。凡此十家，並辭賦之英傑也。及仲宣靡密，發端必適。偉長博通，時逢壯采。太沖安仁，策勳於鴻規。士衡子安，底績於流制。景純綺巧，縛理有餘。彥伯梗概，情韻不匱。亦魏晉之賦首也。原夫登高之旨，蓋覩物興情。情以物興，故義必明雅。物以情觀，故詞必巧麗。麗詞雅義，符采相勝，如組織之

洞見癥結針
對當時以發
藥

此分歧異派
非指賦與詩
分乃指京殿
一段草區一
段言之而其
語仍側注小
賦一邊

品朱紫。畫繪之著立黃文。雖新而有質。色雖糅而有本。
一作此立賦之大體也。然逐末之儔。蔑棄其本。雖讀千
賦。愈惑體要。遂使繁華損枝。膏腴害骨。無貴風軌。莫益
勸戒。此揚子所以追悔於雕蟲。貽誚於霧縠者也。

贊曰

賦自詩出。分歧異派。寫物圖兒。蔚似雕畫。枿滯必揚。言
庸無隘。風歸麗則。辭翦美稗。

召公國語召公曰。故天子聽政。使公卿至於列士。登

高能賦漢藝文志傳曰。不歌而頌。謂古詩之流。班固

賦序賦者古鄭莊左傳鄭莊公感穎考叔之言。與武
詩之流也。姜隧而相見公入而賦大隧之中

其樂也士薦左傳晉獻公使士薦為夷吾城屈不愼

融融三公吾未融左傳明夷之退而賦曰狐裘龍茸一國

誰適從詩人藝文志春秋而未融靈均平憂愁幽思而作離

騷詩人藝文志春秋而未融靈均平憂愁幽思而作離

括宇西京雜記相如曰賦家之心包括宇宙總覽人

賦以荀况史記荀卿趙人名宋玉宋玉選釣賦見賦苑雜

風賦藝文志秦時陸賈藝文志陸賈藝文志王褒揚藝文志

志枚乘馬藝文志司馬相王藝文志王褒揚藝文志

賦九篇馬藝文志司馬相王藝文志王褒揚藝文志

篇二皋藝文志枚皋漢書東方朔有皇太子生祿

文心雜記
卷二
詮賦
賦

荀子不止禮賦

吳訥文章辨體古今言賦自騷之外京殿文選兩都咸以兩漢為古蓋非晉魏以還所及京殿二京靈光景福之苑獵上林甘泉長楊述行之類是也序志通類是也苑獵羽獵之類是也述行之類是也思元之履端左傳先王之正時也總亂王逸楚辭注類是也履端履端於始歸餘於終總亂亂理也所以發理詞指總撮其要也極意陳詞文那之卒章國語彩紛華然後結括一言以明所起也那之卒章國語父曰正考父校商之名頌十二篇於周太師以那為首其輯之亂曰自古在昔先民有作溫恭朝夕執事有草區禽族藝文志雜禽獸六畜昆蟲賦十篇荀結隱恪荀子禮賦注言禮之功用甚大時宋發巧談宋玉語人莫知故假為隱語問之先王宋發巧談宋玉有高唐賦神淫麗藝文志揚子曰詩人之賦菴園漢女賦好色賦淫麗麗以則詞人之賦麗以淫菴園書枚乘字叔游梁梁客皆善屬詞賦乘上林司馬相如尤高菴園苑名賦苑有枚乘菴園賦乘上林傳相如請為天子游獵之賦賦奏天子以為即鵬鳥賈誼傳誼亡是公言上林廣大侈靡多過其實鵬鳥為長沙傅

三年有服飛入誼舍止於坐隅服似鵲不祥鳥也諠
既以謫居長沙卑濕誼自傷悼以爲壽不得長
迺爲賦廣洞簫王褒傳太子喜褒所爲甘泉及洞
以漢書班固字孟堅上兩宮貴人左右皆誦讀之兩都
都賦盛稱洛邑制度之美二京後漢書張衡字平子
久自王侯以下莫不踰侈衡乃擬甘泉漢書揚雄字
班固兩都作二京賦因以諷諫子延壽字文考遊魯
上甘泉賦以風靈光作靈光殿賦蔡邕亦造此賦未成
甘泉賦以風靈光作靈光殿賦蔡邕亦造此賦未成
及見延壽所仲宣偉長魏志王粲字仲宣徐幹字偉
爲遂輟翰仲宣偉長魏志王粲字仲宣徐幹字偉
曰昔仲宣獨步於漢太冲賦榮緒晉書左思字太冲
南偉長擅名於青士太冲賦榮緒晉書左思字太冲
張載訪岷邛之事遂構思十稔門庭藩溷皆著紙筆
得句卽疏之賦成張華見而咨嗟都邑豪貴競相傳
寫安仁晉書潘岳字安仁弱冠辟司空太尉府舉秀
居懷舊士衡賦聲溢四表機妙解情理作文賦勤
諸賦

安

晉書成公綏字子安少有俊才口吃張華一見甚善之時人以貧賤不重其文仕至中臺郎著有嘯

賦

景純郭璞字景純晉中興書曰璞以中興

秋

袁宏字彥伯賦苑讀千賦桓譚新論余素好文見

有

袁彥伯東征賦子雲善為賦欲從之學

子

雲曰能讀千首雕蟲霧縠好賦曰然童子雕蟲篆

賦

則善為之矣夫不為也或曰

刻

俄而曰壯夫不為也或曰

霧

縠之組麗曰女工之蠹矣

縠

之組麗曰女工之蠹矣

之

組麗曰女工之蠹矣

組

麗曰女工之蠹矣

麗

曰女工之蠹矣

曰

女工之蠹矣

女

工之蠹矣

頌讚第九

此頌之本始

此頌之漸變

四始之至。頌居其極。頌者容也。所以美盛德而述形容也。昔帝嚳之世。咸墨爲頌。以歌九韶。自商已下。文理允備。夫化偃一國。謂之風。風正四方。謂之雅。容告神明。謂之頌。風雅序人事。兼變正。頌主告神。義必純美。魯國元脫補曹以公旦次編。商人以前王追錄。斯乃宗廟之正歌。非補燕饗之常詠也。時邁一篇。周公所製。哲人之頌。規式存焉。夫民各有心。勿壅惟口。晉輿元作輿改曹之稱原田。元作由曹改魯民之刺裘鞞。直言不詠。短辭以諷。邱明子高並謀爲誦。斯則野誦之變體。浸被乎人事矣。及三閭橘頌。情

此頌體之初成

此變體之弊

此後世通行之格

采芬芳比類寓意又覃及細物矣。至於秦政刻文爰頌其德。漢之惠景亦有述容。沿世並作。相繼於時矣。若夫子雲之表充國。孟堅之序戴侯。武仲之美顯宗。史岑之述熹。元作僖曹改后或擬清廟。或範駟那。雖淺深不同。詳略各異。其褒德顯容典章一也。至於班傳之北征西巡。元作逝變為序。引豈不褒過而謬體哉。馬融之廣成上林。疑作東雅而似賦。何弄文而失質乎。又崔瑗文學。蔡邕樊渠。並致美於序。而簡約乎篇。摯虞品藻頗為精覈。至云雜以風雅而不變旨趣。徒張虛論。有似黃白之偽說矣。及魏晉辨頌。鮮有出轍。陳思所綴。以皇子為標。陸機積篇。

陸士衡云誦
優游以彬蔚
不及此之切
合頌體原評

惟功臣最顯其褒貶雜居固末代之訛體也原夫頌惟
典雅辭必清鑠敷寫似賦而不入華侈之區敬慎如銘
而異乎規戒之域揄揚以發藻汪洋以樹義一作唯纖儀
曲巧致與情而變其大體所底如斯而已讚者明也助
也二字從御覽增昔虞舜之祀樂正重讚蓋唱發之辭也及益
讚於禹伊陟讚於巫咸並颺言以明事嗟歎以助辭也
故漢置鴻臚以唱拜為讚即古之遺語也至相如屬筆
始讚荆軻及遷史固書託讚褒貶約文以總錄頌體以
論辭又紀傳後元作侈朱評亦同其名而仲洽流別謬
稱為述失之遠矣及景純注雅動植必讚一作讚之義從御覽改

東方贊稍衍其文亦變格也

兼美惡亦猶頌之變耳。然本其為義。御覽增事生獎歎所以古來篇體促而不廣。一作曠從御覽改必結言於四字之句。盤桓乎數韻之辭。約舉以盡情。昭灼以送文。此其體也。發源雖遠。而致用益寡。大抵所歸。其頌家之細條乎。

贊曰

容體底頌。勲業垂讚。鏤彩摛文。聲理有爛。年積逾遠。音徽如旦。降及品物。炫辭作翫。

咸墨

墨應作黑。呂氏春秋。帝嚳命咸。黑作為聲。歌九招六列六英。

變正

詩序王道衰政教失。

而變風變雅作矣。

頌主告神

詩大序頌者美盛德之形容。功告於神明者也。

公

旦

詩傳成王賜魯天子之禮。樂以祀周公故有魯頌。

商人

詩序商頌那祀成湯也。烈祖祀中宗。

也元鳥祀高宗也長發大禘也殷武時邁國語周文

祀高宗也皆前代祭祀宗廟之樂載輯干戈載橐弓矢我求懿德肆于時夏允王保之

韋昭注文公周公旦之謚也頌時邁之詩武王既伐

紂周公為作此詩壅口國語民慮之於心而宣之於

巡守告祭之樂歌壅口成而行之胡可壅也若壅

其口其與原田左傳晉侯聽輿人之頌曰原裘鞞孔

能幾何原田田每每舍其舊而新是謀原裘鞞孔

王子順曰先君初相魯魯人謗頌之曰麋裘而弔投

之無戾弔而麋裘投之無郵按呂氏春秋同篇作鞞

高誘注鞞小兒此子順述孔子三閭橋頌原與楚同

之事非子高也子高孔穿之子史記秦始皇者名政

姓仕於懷王為三閭大夫秦政東行郡縣上鄒嶧山

著九章內一篇曰橘頌漢藝文志李思孝表充國

立石與魯諸儒生惠景景皇帝頌十五篇表充國

議刻石頌秦德孫功德與霍光等列畫未央宮成帝

國傳充國字翁孫功時西羌嘗有警上思將帥之臣追美充國

郎揚雄即充國序戴侯後漢書竇融字周公光武八

圖畫而頌之年與大軍會高平封安豐侯

卒諡戴文章流別有美顯宗後漢書傳毅字武仲追

班固安豐戴侯頌廟頌末立乃依清述熹后文選注范曄後漢書曰王

廟作顯宗頌十篇文顯文章志七志並載岑出師頌而集林又載岑和

意鄧后頌計莽末以訖和熹百有餘年又東觀漢記

東平王蒼上光武中興頌明帝問校書郎此與誰等

對曰前世史岑之比斯則莽末史岑明帝時已云前

世不得為和熹之頌明矣蓋有二史岑字子孝者仕

王莽字孝山者當和熹書典散亡未詳爵里諸家遂

以孝山之文載班傳後漢書寶憲遷大將軍以傳毅

於子孝之集班傳為司馬班固為中護軍憲府文

章之盛冠於當世毅所著詩賦誄頌諸作凡二馬融

十八篇固所著賦銘誄頌諸作凡四十一篇馬融傳融字季長鄧太后臨朝鄧騭兄弟輔政俗儒

世士以文德可興武功宜廢融以為文武之道聖賢

不墜五材之用無或可廢上廣成頌以諷諫太后怒

遂令禁錮之安帝親政出為河間王長史時車駕東

巡岱宗融上東崔瑗崔瑗傳瑗所著賦碑銘箴頌七

巡頌召拜郎中崔瑗蘇南陽文學官志歎辭移社文

悔祈草書執七言凡五十七篇其南陽樊渠蔡邕樊
文學官志諸能為文者皆自以弗及樊渠惠渠頌
略曰陽陵縣東土氣辛螫嘉穀不植而涇水長流京
兆尹樊君諱陵字德雲遂樹桂累石委薪積土基跌
工堅清流浸潤昔日鹵田化為甘摯虞仲洽撰古文
壤農民熙怡悅豫謂之樊惠渠云摯虞仲洽撰古文
章類聚區分為三十卷名曰流別雜以風雅別論揚
集各為之論辭理愜當為世所重雜以風雅別論揚
雄充國頌頌而似雅傳毅顯宗頌雜以風雅之黃白
意馬融之廣成上林純為今賦之體而謂之頌黃白
偽說物也黃白雜則堅且牝陳思曹植字子建封陳思
則不堅且牝陳思曹植字子建封陳思陸機陸機
焉得為利劍也陳思王集有皇子生頌陸機集有
漢高祖樂正重讚尙書大傳舜為賓客禹為主人樂
功臣頌樂正重讚尙書大傳舜為賓客禹為主人樂
賓至今衍於四海成禹之變垂於萬世益贊於禹見
之後於是俊又百工相和而歌慶雲益贊於禹書
大禹伊陟書在太戊時則有若伊陟伊尹之臣扈格于上帝
謨篇伊陟巫咸又王家注伊陟伊尹之子巫氏咸名

史記封禪書鴻臚漢書注鴻聲也臚傳也相如文章
伊陟贊巫咸贊世已不傳厥後班孟
司馬相如荆軻贊世已不傳厥後班孟
堅漢史以論為贊至宋范曄更以韻語謬稱為述書
注顏師古曰史遷云為某事作某本紀某列傳班固
謙不敢言作而改言述蓋避作者之謂聖而取述者
之謂明也但後之學者不曉此為漢書敘目見有述
字乃呼為漢書述失之遠矣摯虞尙有此惑其餘曷
足怪景純注雅爾雅別為音義圖譜
乎

此篇獨崇實而不論文是其識高於文士處非不論文論文之本也

祝之緣起

祝盟第十

天地定位。祀徧羣神。元作臣朱改六宗既禋。三望咸秩。甘雨

和風。是生黍稷。兆民所仰。美報興焉。犧盛惟馨。本於明

德。祝史陳信。資乎文辭。昔伊耆元作祁柳改始蜡以祭。八神

其辭云。土反元作及許改其宅。水歸其壑。昆蟲無作。草木歸

其澤。則上皇祝文爰在茲矣。舜之祠田云。荷此長耜。耕

彼南畝。四海俱有。利民之志。頗形於言矣。至於商履。聖

敬日躋。立牡告天。以萬方罪已。卽郊禋之詞也。素車禱

旱。以六事責躬。則雩禱之文也。及周之大祝。掌六祝之

辭。是以庶物咸生。陳於天地之郊。旁作穆穆。唱於迎日

招魂似非祝詞

祝之流弊

祝又音晝詩

大雅侯詛侯

祝是也俗作

呪非故詛罵

文祝之一體

詛楚文之類是也

之拜。夙興夜處。言於祠廟之祝。多福無疆。布於少牢之

饋。宜社類禡。莫不有文。所以寅虔。許於神祇。嚴恭於宗

廟也。春秋已下。黷祀諂祭。祝幣史辭。靡神不至。至於張

老成室致。善於歌哭之禱。蒯賁臨戰。獲佑於筋骨之詞。

雖造次顛沛。必於祝矣。若夫楚辭招魂。可謂祝辭之組

纒也。漢之羣祀。肅其旨。一作禮。既總碩儒之儀。亦參方

士之術。所以秘祝移過。異於成湯之心。侂子毆疫。元作歐疾。

王同乎越巫之祝。禮失之漸也。至如黃帝有祝邪之交。

東方朔有罵鬼之書。於是後之譴呪。務於善罵。唯陳思

誥。答元脫曹補。裁以正義矣。若乃禮之祭。祀事止告饗。而中

視之派別

此雖老生之
常談然執是
以衡交其合
格者亦寡矣
所謂三歲小
兒道得八十
老翁行不得
也

代祭文兼讚言行祭而兼讚蓋引神而作也又漢代山
陵哀策流文周喪盛姬內史執策然則策本書贈因哀
而爲文也是以義同於誄而文實告神誄首而哀末頌
體而視一作儀太史所作之讚因周之視文也凡羣言
發華而降神務實脩辭立誠在於無媿祈禱之式必誠
以敬祭奠之楷宜恭且哀此其大較也班固之祀濛山
祈禱之誠敬也潘岳之祭庾婦奠祭之恭哀也舉彙而
求昭然可鑒矣盟者明也駢毛白馬珠盤玉敦陳辭乎
方明之下祝告於神明者在昔三王詛盟不及時有
要誓結言而退周衰屢盟以及要契始之以曹沫終之

二盟義炳于
古不宜以成
敗論之原評
此論紕繆北
平先生譏之
是也
宕出題外正
是鞭緊題中

以毛遂及秦昭盟夷。設黃龍之詛。漢祖建侯。定山河之
誓。然義存則克。終道廢則渝。始崇替在人。况何預焉。若
夫臧洪歆辭。氣截雲蜺。劉琨鐵誓。精貫霏霜。而無補於
晉漢。反爲仇讐。故知信不由衷。盟無益也。夫盟之大體。
必序危機。獎忠孝。共存亡。戮心力。祈幽靈。以取鑒。指九
天以爲正。感激以立誠。切至以敷辭。此其所同也。然非
辭之難處。辭爲難。後之君子。宜在殷鑒。忠信可矣。無恃
神焉。

贊曰

祀欽明。祝史惟談。立誠在肅。脩辭必甘。季代彌飾。絢

言朱藍神之來格所貴無憾

六宗書禮於六宗孔安國傳一四時二寒暑三日月五星六水旱漢郊祀志注六宗星辰風伯雨

師司中司命一說云乾坤六子又一說天宗三日月星辰地宗三泰山河海或曰天地間游神也

望乃免牲猶三望注望祭山川也伊耆禮記郊特牲

蜡蜡也者歲十二月合聚萬物而索饗之也八神先

庸一司嗇二百種三農四郵表駁五貓虎六坊七水

入聖敬日躋詩商頌元牡見書素車戶子湯之救旱

衣身嬰白茅以身為牲禱曰政不節與民失職

與苞苴行與讒夫昌與宮室崇與女謁盛與

左傳龍見而雩注旱祭也又曰雪霜風雨太祝周禮

之災則祭之說文禱雨為雩禱晴為祭迎日天戴禮

施於四方旁作穆穆維予一人某敬（儀禮明日）
拜迎於郊以正月朔日迎日於東郊（廟）以（其）
用嗣尸曰孝子某孝顯相風興夜處小心畏忌不惰
其身不寧用尹祭嘉薦普淖普薦漚酒適爾皇祖某
甫以濟（多）福無疆（儀禮）少牢饋食禮主人醕尸尸
爾孫某甫（多）福無疆（儀禮）主人祝嘏主人曰皇尸命工
祝承致多福無疆（宜）社（王制）天子將出類乎上帝宜乎
疆（十）汝孝孫（宜）社（王制）天子將出類乎上帝宜乎
乎（禘）注類（詩）是類是禘（傳）師祭也類張老成室（檀弓）
宜祭名類（詩）是類是禘（傳）師祭也類張老成室（檀弓）
晉獻文子成室晉大夫發焉張老曰美哉輪崩（左傳）
焉美哉與焉歌於斯哭於斯聚國族於斯（左傳）
衛太子禱曰曾孫蒯瞶敢昭告皇祖文王烈祖康叔
文祖襄公鄭勝亂從晉午在難使執討之崩（瞶）不敢
自佚備持矛焉敢告無絕筋（祕）祝（漢郊祀志）文帝詔
無折骨無面傷以集大事（祕）祝（漢郊祀志）文帝詔
於下朕甚弗（俟）子（後漢禮儀志）大儺謂之逐疫選中
取其除之（俟）子（後漢禮儀志）大儺謂之逐疫選中
二十人越巫（郊祀志）粵人勇之（言）粵人俗鬼而其祠
為（俟）子越巫（郊祀志）粵人勇之（言）粵人俗鬼而其祠

十歲後世怠嫚故哀耗武祝邪山海經東望山有獸
帝乃命粵巫立粵祝祠祝邪名白澤能言語王者
有德明照幽遠則至軒轅記帝於桓山得白澤神獸
能言達於萬物之情因問天地鬼神之事帝令寫為
圖作祝邪之罵鬼王延壽夢賦序云臣遂得東方朔
文以祝之罵鬼與臣作罵鬼之書按朔與臣作謬矣
世久遠或朔本有書廷壽得之則可曰與臣作謬矣
倘作書亦是夢中事便無所不可然彥和又豈以烏
有為實錄乎非後人傳寫之誥咎曹子建誥咎文序
誤即前代有傳會失實者誥咎五行致災先史咸
以為應政而作天地之氣自有變動未必政治之所
興致也於時大風發屋拔木意有感動聊假上帝之
命以誥哀策文章緣起漢樂安相執策穆天子傳天
咎祈福哀策李尤作和帝哀策執策子西至於重
璧之臺盛姬告病天子哀之於是觴祀祭庾婦潘岳
而哭內史執策注策所以書贈賻之事祭庾婦集有
為諸婦祭駢毛左傳瑕禽曰昔平王東遷吾七姓從
庾新婦文駢毛王牲用備具王賴之而賜之駢毛之
盟注赤白馬漢書王陵曰高皇帝刑白馬而盟
牛也白馬曰非劉氏而王者天下共擊之珠盤

王敦周禮天官王府若合方明漢律歷志太甲元年

於方明注方明者神明之象也以木為之方詛盟穀

四尺畫六采東青西曰南赤北黑上元下黃注盟

傳詛盟不結言公羊傳古者不要契左傳使王叔氏

及三王盟結言而退要契與伯與合要王

叔氏不能舉其契注要合要辭理曲曹沫國語曹沫

無以為答故不能舉其契要之辭曹沫為魯將三

北魯莊公與齊桓公會於柯而盟沫毛遂邯鄲平原

執七首切桓公於壇盡歸魯之侵地毛遂邯鄲平原

君求救於楚議日中不決毛遠按劍歷階而上日從

之利害兩言而決合從者為楚非為趙也楚王曰唯

雖遂謂左右日取雞狗馬之血來遂奉銅盤而跪進

之楚王日王當歃血次者吾若次者遂定從於殿

上秦昭常璩巴志秦昭襄王與夷人刻石盟日秦山

河更記高祖功臣年表封爵之誓日黃河臧洪臧洪

字子源太守張超請為功曹時董卓圖危社稷超與

洪西至陳留見兄邈計事邈與語大異之邈先有謀

約會超至定議乃與諸牧守大會酸棗設壇場將盟
既而莫敢先登咸共推洪洪升壇歃血辭氣慷慨聞
其言者無劉琨（劉琨傳）琨字越石建武元年琨與段
不激揚書檄諸方守俱集襄國琨匹碑推琨為大都督
畎畝軍匹碑從弟末波納勒厚賂獨不進乃沮其計
琨匹碑以勢弱而退

文心雕龍卷第二終

EAST-ASIAN LIB. UNIVERSITY OF TORONTO



3 1761 09985994 4

**FOR USE IN
LIBRARY
ONLY**

PL
2261
L483L57
v.1
c.1
EAST

TRADITIONAL BOUND